



FORÇA JONË

* * * Viti II • Nr. 11 • prill 2013 • Ministria për Forcën e Sigurisë të Republikës së Kosovës * * *

Ministri Agim Çeku, ka raportuar para Komisionit Parlamentar për FSK-në



Ministri i Forcës së Sigurisë të Kosovës, Agim Çeku, gjatë raportimit para anëtarëve të Komisionit Parlamentar për Punë të Brendshme, Siguri dhe Mbikëqyrje të FSK-së ka deklaruar se i vetmi projekt i papërfunduar në kuadër të institucioneve shtetërore është Forca e Sigurisë. E çfarë kapacitetesh do t'i ketë, për këtë do të vendosë Parlamenti, sepse ky proces do të na çojë drejt nevojës për ndryshimin e Kushtetutës etj. Tani është koha që Kosova ta ketë forcën reale të sigurisë. Të gjitha këto do të kalojnë përmes Parlamentit, ka thënë ministri i FSK-së, Agim Çeku.

Në këtë takim merrnin pjesë edhe komandanti i FSK-së, gjenerallejtënant Kadri Kastrati, sekretari i përgjithshëm i FSK-së, Shkëlzen Sylaj dhe këshilltari i NAT-it, Kevin Lynch, etj. Ministri Çeku ka elaboruar veç e veç gjashtë objektivat e tij për zhvillimin e FSK-së për vitin 2013, si shkollimin, trajnimet, bashkëpunimin ndërkombëtar, formimin e Task-Forcës së kërkim-shpëtimit, rishikimin e Sektorit Strategjik të Sigurisë etj. "Si rezultat i angazhimit të përgjithshëm, ky vit ishte vit i suksesshëm për FSK-në, sidomos në arritjen e objektivave të FSK-së", tha ministri Çeku. Ai raportoi edhe për mundësinë e aprovimit të Kapaciteteve të Përgjithshme Operacionale nga ana e Këshillit Veri-Atlantik të NATO-s, si dhe shfrytëzimin maksimal të kapaciteteve për kryerjen e misionit kushtetues dhe në ndihmë autoriteteve civile dhe komuniteteve. Vazhdimi i ngritjes dhe ndërtimi i vlerave të identitetit, fizibilitetit,

fuqizimi i bashkëpunimit dypalësh rajonal, bashkëpunimi dhe partneriteti me NATO-n dhe rishikimi i sektorit të strategjik të sigurisë janë me prioritet për ne, etj. Ministri Agim Çeku shpallti edhe prioritetet për vitin e ardhshëm; që FSK-ja të bëhet forcë e vetqëndrueshme dhe të vazhdojë t'i zhvillojë kapacitetet operacionale, të bëhet forcë e besueshme, e aftë, aktive, vizibile dhe partner i përkushtuar i SHBA-ve, NATO-s dhe BE-së. Më pas, ministri Çeku i ka njoftuar anëtarët e Komisionit Parlamentar për Punë të Brendshme, Siguri dhe Mbikëqyrje të FSK-së, se FSK-ja është duke bërë rishikimin, një studim shkencor dhe se janë duke u identifikuar nevojat dhe mundësitë që ka. Kjo do të marrë kohë, por ky është një proces që po shkon në rrugën dhe dinamikën e duhur. Kosova do t'i ketë institucionet e sigurisë, të gjitha ato që i nevojiten, dhe besoj se do t'i ketë më të mirat. "Sa e madhe do të jetë, çfarë kapacitetesh do të ketë, do të vendosë Parlamenti, sepse ky proces do të na çojë drejt nevojës për ndryshimin e Kushtetutës. Pra, të gjitha këto do të kalojnë përmes parlamentit", ka thënë ministri Çeku. Pas raportimit të ministrit Çeku, shumica e deputetëve e përgëzuan ministrin për të arriturat e FSK-së si dhe u interesuan të dinë më shumë për pjesëmarrjen e komuniteteve, identifikimin e rreziqeve të mundshme etj. Raportimi i ministrit Çeku në Komisionin Parlamentar për Punë të Brendshme, Siguri dhe Mbikëqyrje të FSK-së u zhvillua në kuadër të raportimit vjetor.

FSK-ja ndihmoi qytetarët e Klinës pas përmbytjeve

Ekipet e Forcës së Sigurisë së Kosovës (FSK) pas përmbytjeve nga reshjet e shiut që ndodhën më 14 mars, në shumë vendbanime në Kosovë, kanë ndërmarrë një operacion shpëtimit për t'i ndihmuar qytetarët e prekur nga vërshimet në shumë vendbanime, sidomos në Komunën e Klinës dhe Skënderajt etj. Ekipet e Njësisë për Reagim në Kriza (NJRK), kanë dalë menjëherë në vendin e ngjarjes, në zonat e përmbytura nga vërshimet, në Komunën e Klinës dhe atë të Skënderajt, ku pas vlerësimit të situatës, në ndihmë të menjëherëshme ka shkuar një njësit i Regjimentit të Mbështetjes Civile, Kompania e Kërkim-Shpëtimit e FSK-së, me 21 pjesëtarë, me 3 barka dhe 4 automjete. Kompania ka kryer intervenime në fshatin Zajm, Komuna e Klinës dhe në disa fshatra të Komunës së



Skënderajt. Në fshatin Zajm, nga ekipet e FSK-së, janë kontrolluar të gjitha shtëpitë të cilat kanë qenë të përmbytura me qëllim që mos ka mbetur ndonjë qytetarë i ngujuar. FSK-ja, gjithashtu ka intervenuar edhe në restorantin Guri i Zi (i

cili gjendet buzë Drinit, në rrugën për Gjakovë), ku ka evakuuar 6 qytetarë dhe pronarët e tij, të mbetur të ngujuar pas përmbytjeve të shiut. Intervenimin e njësisë të FSK-së, e kanë përshëndetur dhe falënderuar banorët e kësaj ane.

FSK-ja dhe KFOR-i amerikan demoluan një bombë 500-kilogramësh

Kompania e deminimit të FSK-së ka hulumtuar mbi 900.000 metra katrorë dhe kanë asgjësuar mbi 3000 mjete të pashpërthyera si: mina, bomba, kasetë bomba, eksploziv etj.



Deminerit e Kompanisë së FSK-së, së bashku me ata të KFOR-it amerikan, në Harilaq, (afër kodrës së Goleshit), kanë demoluar me sukses një bombë të përmasave të mëdha, mbi 500 kilogramë Bombën e ka zbuluar Rrahman Sllamiku, punëtor i kompanisë Eko-Kos, i cili ka qenë duke marrë material guri për shtrimin e oborrit të kësaj kompanie. Deminerët e Kompanisë së FSK-së dhe ata të KFOR-it amerikan, me ta marrë mesazhin nga Ministria e FSK-së (Qendra operative) për gjetjen e një bombe, nga një punëtor i kompanisë Eko-Kos në Harilaq, afër Kodrës së Goleshit, menjëherë kanë dalë në vendin e ngjarjes si dhe kanë marrë të gjitha masat përkatëse për mosrrezikimin e jetës së qytetarëve. Ata kanë përkufizuar vendin dhe, pasi kanë bërë pastrimin e vendit dhe bombës, kanë vërtetuar se bomba ka mbe-

tur si pasojë e luftës së fundit në Kosovë. Komandanti i Kompanisë së Deminimit të FSK-së, major Facil Sahiti, tha se: "Kjo është bomba më e madhe e gjetur deri më tani. Është prodhim anglez dhe ka këto dimensione; 1.40 metra e gjatë, 40 cm diametri dhe mbushja me mbi 113 kilogramë eksploziv, ku pesha e përgjithshme e bombës, arrin në 500 kilogramë". Sipas ekspertëve të FSK-së dhe KFOR-it amerikan, rrezikshmëria e kësaj bombe është shumë e madhe dhe rrezja e veprimit është diku prej 2000 mijë metrash. Dje ekipet e deminimit të FSK-së dhe të KFOR-it amerikan kanë

punuar vazhdimisht deri në orët e vona dhe pas analizave të përbashkëta, ata kanë marrë vendim për largimin e bombës në një vend të tjetër për shkak të rrezikshmërisë së saj që mund të ketë për banorët e kësaj ane dhe drejtpërdrejt për objektin e kompanisë Eko-Kos. Sipas ekspertëve të këtij lëmi, thuhet se bomba është hedhur nga ajri dhe është e tipit gjysmë bind-shpues, që duhet të kuptohet se është për goditjen e objekteve të bunkerizuara dhe efekti është; që pas depërtimit në brendësi të objektit, ajo shpërthen.

(Vijon në faqen 6)



Ministri Agim Çeku priti në një takim ambasadorin e Anglisë, Jan Klif

Ministri i Forcës së Sigurisë së Kosovës (FSK-së) Agim Çeku, i shoqëruar edhe nga Shefi i Ekipit Këshillues të NATO-s në MFSK zoti Kevin Linç (Kevin Lynch), priti në MFSK, në vizitë zyrtare ambasadorin e Anglisë zotin Jan Klif (Jan Cliff).

Në këtë takim në mes të ministrit Agim Çeku dhe ambasadorit Klif u diskutua për ecurinë e procesit të Rishikimit Sektorit Strategjik të Sigurisë (RSSS), si dhe për mbështetjen dhe kontributin që Britania e Madhe mund ta japë në zhvillimin e këtij procesi.

Memorandum Mirëkuptimi në mes Ministrisë së FSK-së dhe Agjencisë Shtetërore për Mbrojtjen e të Dhënave Personale

Sekretari i Përgjithshëm i Ministrisë për Forcën e Sigurisë së Kosovës (MFSK), Shkëlzen Sylaj dhe mbikëqyrësi kryesor shtetëror Ruzhdi Jashari nga Agjencia për Mbrojtjen e të Dhënave Personale, më 1 mars 2013 nënshkruan Memorandum Mirëkuptimi, ndërmjet këtyre dy institucioneve. Ky Memorandum Mirëkuptimi ka për qëllim përcaktimin e fushave të bashkëpunimit, kushteve dhe afatëve themelore, në bazë të të cilave Ministria për Forcën e Sigurisë së Kosovës dhe Agjencia për Mbrojtjen

e të Dhënave Personale, pajtohen të realizojnë në përputhje me mandatin dhe kompetencat ligjore. Këto të dy institucione do të bashkërendojnë aktivitetet për realizimin e misionit të tyre të bazuara në ligjet e aplikueshme të Republikën e Kosovës. Po ashtu Ministria për FSK-në do të ofrojë Agjencisë Shtetërore për Mbrojtjen e të Dhënave Personale mundësi për trajnimin dhe certifikime të nepunësve të saj në fushën e standardeve të sigurisë, si dhe kurse të gjuhëve të huaja.



Komandanti i KFOR-it përcolli nga afër trajnimet e FSK-së

Në Komandën e Doktrinës dhe Stërviçes të FSK-së, në Ferizaj, për një vizitë pune më 12 mars, ka qëndruar komandanti i KFOR-it, gjenerali Volker Halbauer me bashkëpunëtorë.

Komandantin e KFOR-it, e priti komandanti i KDS-së gjeneral brigade Enver Cikaqi, i cili me këtë rast e ka njoftuar gjeneralin Halbauer me të arriturat e përgjithshme të KDS-së; misionin, trajnimet të cilat janë duke u mbajtur, si dhe planin e trajnimeve për vitin 2013.

Të dy gjeneralët së bashku me oficerë të FSK-së dhe KFOR-it, i kanë përcjellë trajnimet të cilat janë duke u mbajtur në Qendrën Stërviçore të KDS-së, si: kursin për lider luftarak, kursin i avancuar për oficer, laboratorët e gjuhëve të huaja, simulatorin e qitjes dhe poligonin e qitjes. Kjo vizitë u realizua në kuadër të



bashkëpunimit ndërmjet FSK-së dhe KFOR-it.

Në fund, komandanti i KFOR-it u

shpreh i kënaqur me punën që po bëhet në KDS e veçmas me trajnimin e pjesëtarëve të FSK-së.

Gjeneralmajor Rrahman Rama mori pjesë në Konferencën Ndërkombëtare të Fuqisë Ajërore dhe Hapësinore në Turqi

Zëvendëskomandanti i Forcës së Sigurisë së Kosovës, gjeneralmajor Rrahman Rama, me ftesë të komandantit të Forcave Ajërore të Turqisë, gjeneral Mehmet Erten (gjeneral me katër vje), ka marrë pjesë në Konferencën e Parë Ndërkombëtare për Fuqinë Ajërore dhe Hapësinore, që u mbajt ditë më parë në Stamboll të Turqisë. Delegacioni i FSK-së ishte mysafir i veçantë i komandantit të Forcave Ajërore të Republikës së Turqisë. Kjo është Konferenca e Parë Ndërkombëtare për Fuqinë Ajërore dhe Hapësinore që është mbajtur në Stamboll. Konferenca ka pasur për qëllim diskutimin dhe shtjellimin e çështjeve të luftës mbi-zotëuese të forcave ajërore në ditët e sotme dhe përshtatjen e kësaj teknologjie në ambientet moderne të luftëbërjes në të ardhmen.

Gjatë tri ditëve, sa ka zgjatur konferenca, shumë studiues të këtij lëmi dhe gjeneralë kanë prezantuar tema të ndryshme për forcat



ajërore dhe hapësinore në një audiencë të përfaqësuar nga pjesëmarrës të 54 shteteve të botës.

Në ditën e parë të konferencës, gjeneralmajor Rrahman Rama pati takime me komandantin e Forcave Ajërore të Republikës së Turqisë, gjeneralin Mehmet Erten, ku kanë biseduar për bashkëpunimin në mes të dy institucioneve. Gjeneral

Rama e ka falënderuar gjeneralin Erten për ndihmën dhe kontributin e shtetit dhe të ushtrisë turke që po japin në vazhdimësi për zhvillimin, trajnimin dhe modernizimin e FSK-së. Gjeneral Erten ka premtuar që edhe në të ardhmen ta ndihmojë FSK-në. Gjeneral Rama ka takuar edhe shumë gjeneralë të shteteve pjesëmarrëse, ku ka biseduar për zhvillimet e dyanshme.

Studentë të Universitetit "Durham" të Londrës vizituan FSK-në

Ministri i FSK-së, Agim Çeku, ka pritur një grup studentësh të Universitetit "Durham" nga Anglia, të cilët i njoftoi për historinë e shqiptarëve, për arritjet e përgjithshme të FSK-së, si dhe rishikimin e sektorit strategjik të sigurisë.

Ministri Çeku shkurtimisht elaboroi zhvillimin e luftës së UÇK-së gjatë vitit 1997-1999, ndërsa për KFOR-in dhe UNMIK-un tha se ka për mision të krijojë një ambient paqe. Që nga viti 2008, edhe pse Kosova ka shpallur Pavarësinë, ne përpara kemi

shumë sfida, por jemi duke e vendosur vendin tonë në hartën politike botërore, ndërsa për NATO-n tha se është pjesë e rëndësishme e historisë, por edhe e së ardhmes sonë.

Ministri për FSK-në tha se është një proces zhvillimi sipas Pakos

së Ahtisarit, ku, sipas saj, jemi të kufizuar në këtë drejtim, por Ahtisari ka thënë se këto kufizime zgjasin 5 vjet nga shpallja e Pavarësisë. Tani 5 vjet po i bëjmë në muajin qershor, dhe qysh tash jemi duke punuar në rishikimin strategjik të sektorit të sigurisë së

bashku me miqtë tanë ndërkombëtarë, që edhe ne të kontribuojmë në sigurimin e paqes rajonale. Ministri iu përgjigj shumë pyetjeve të studentëve, të cilët kishin të bënin me të ardhmen e FSK-së, Kosovës, bashkëpunimin në rajon etj.

Gjenerallejtënant Kadri Kastrati përcolli nga afër trajnimet në BRSH



e Kompanisë 1-A po kryenin trajnimet e procesit të vendimmarjes. Trajnimet po i menaxhonin instruktorët e KFOR-it turk dhe të FSK-së, së bashku edhe me pjesëtarët e KFOR-it-Lindje. Komandanti i FSK-së, me këtë rast, takoi edhe të gjithë pjesëtarët e komuniteteve të cilët janë në FSK, i cili u interesua të dijë më shumë për kushtet, detyrat dhe suksesin e secilit veç e veç. Në fund gjeneral Kastrati, ka përshëndetur të gjithë pjesëtarët e FSK-së dhe instruktorët e KFOR-it, për punën dhe për arritjet e FSK-së. "Qëllimi i vizitës sonë është që nga afër të përcejllim dhe të



Komandanti i FSK-së gjenerallejtënant Kadri Kastrati së bashku me drejtorin e Drejtorisë për Operacione në FSK, gjeneral Zymer Halimin, zv. komandantin e KFT-së gjeneral Gëzim Hazrollin, kolonel Xhevahir Gecin, zv. komandant i Brigadës për Reagim të Shpejtë (BRSH) në Istog, nënkolonel Fadil Hadërgjonaj, shefin e Sektorit për Trajnime dhe Stërvitje etj, më 11 mars, qëndruan për një vizitë pune në Brigadën për Reagim të Shpejtë, në Gjilan.

Për të arriturat e përgjithshme të Batalionit të Parë të BRSH-së, i njoftoi major Ibrahim Revuqi, shef i Operativës. Në takim morën pjesë edhe pjesëtarët e KFOR-it dhe këshilltarët e NAT-it. Me këtë rast, komandanti i FSK-së, gjeneral Kastrati i përcejllim gjatë kryerjes së trajnimeve në terren, të cilët në bashkëpunim me përfaqësuesit e KFOR-it turk, po kryenin trajnimet "lëvizjet taktike" me Kompaninë 1-B, ndërsa, pjesëtarët



njoftohemi me punën dhe detyrat që po i realizoni, qoftë në aspektin individual dhe atë kolektiv". Komandanti i FSK-së, gjeneral Kastrati, për të gjitha të arriturat e FSK-së, ka falënderuar edhe KFOR-in, Gardën Kombëtare të Ajovës dhe komandantin e saj, gjeneralin Orr dhe pjesëtarët e KFOR-it turk, të cilët po japin një kontribut të madh në trajnimin e FSK-së, që ta kryejnë misionin e saj. "Ne jemi duke punuar ngushtë me partnerët tanë ndërkombëtarë, KFOR-in, SHBA-të etj, në realizimin e trajnimeve, shkollimin dhe përmbushjen e standardeve në të gjitha fushat, për FSK-në" shtoi gjeneral Kastrati

Në fund, komandanti i FSK-së, kërkoi nga të gjithë pjesëtarët e FSK-së angazhimin e tyre maksimal në realizimin e detyrave, dhe me punë të jenë shembull për të tjerët dhe njëherësh të marrin përgjegjësi të reja, në këtë drejtim.

Vizitë pune edhe në Brigadën për Mbështetje Operacionale

Komandanti i FSK-së gjenerallejtënant Kadri Kastrati, më 12 mars, qëndroi për një vizitë pune edhe në Brigadën për Mbështetje Operacionale (BMO) për tu njohur me realizimin e detyrave të përditshme.

Në takim ishin të pranishëm edhe stafi më i lartë i BMO-së, FSK-së dhe përfaqësues të NAT-it. Për të arriturat e përgjithshme të BMO-së, komandantin e njoftoi kolonel Ilaz Dërguti, komandant i BMO-s. "Qëllimi im është t'i vizitojë të gjitha njësitet e FSK-së, si dhe të marrë informacione për kryerjen e detyrave.

Ai e njoftoi stafin udhëheqës të BMO-së, për punën që po bëhet në përgjithësi edhe për rishikimin e sektorit të sigurisë. Gjeneral Kastrati ka kërkuar angazhimin e

gjithë stafit udhëheqës të BMO-së dhe pjesëtarëve të saj, angazhim maksimal, për realizimin e detyrave të përgjithshme qoftë; në trajnime, shkollim dhe përmbushjen e standardeve në gjitha fushat etj. Gjeneral Kastrati, shembull shumë pozitiv në këtë drejtim, i përmendi sukseset e Kompanisë së Deminimit, MKAB-së dhe Task Forcën e Kërkim-Shpëtimit.

"Këto njësi kanë dhënë shembuj të profesionalizmit gjatë intervenimit të tyre në shumë raste. Për këtë, këto njësi janë të përgatitura dhe të gatshme edhe për operacione humanitare jashtë vendit". Gjeneral Kastrati kërkoi nga të gjithë jo vetëm realizimin e detyrave, por edhe përgatitje fizike, "sepse përgatitja fizike është jo vetëm standard, por edhe



kulturë e njëjse për aftësimin e tyre fizikisht, sidomos të atyre njëjse që marrin pjesë edhe në operacione jashtë vendit".

Në fund gjeneral Kastrati kërkoi angazhim maksimal për realizimin e trajnimeve dhe shkollimin e pjesëtarëve të FSK-së, sepse "për

mua gjëja më e rëndësishme është përgatitja profesionale dhe fizike", tha në fund komandanti i FSK-së, gjeneral Kastrati.

FSK-ja shënoi 15- vjetorin e manifeshtimit “Epopeja e UÇK-së”



Nën përkujdesjen e kryeministrit të Qeverisë së Kosovës z. Hashim Thaçi, FSK-ja, në 15- vjetorin e luftës heroike të Komandantit legjendar të UÇK-së, Adem Jashari dhe familjes Jashari, ka organizuar manifestimin qendror, me moton: "Nderojmë Historinë- Nderojmë të Ardhmen". Manifestimi u mbajt në kazermën "Adem Jashari", në të cilën morën pjesë, presidentja e Kosovës Atifete Jahjaga, kryetarja e Parlamentit të Kosovës, Jakup Krasniqi, kryeministri i Kosovës, Hashim Thaçi, ministri i FSK-së, Agim Çeku, komandanti i FSK-së, gjenerallejtnant Kadri Kasrati, përfaqësues të familjes Jashari; Rifat dhe Bekim Jashari, ministri i kabinetit qeveritar, drejtues të institucioneve shtetërore të Kosovës, deputet, përfaqësues të komunitetit feitarë, qytetarë, nxënës dhe studentë të Prishtinës.

Fllimisht, presidentja e Kosovës Atifete Jahjaga dhe komandanti i FSK-së, gjenerallejtnant Kadri Kasrati, inspektuan kuadratet e FSK-së. Manifestimi filloi me ngritjen e flamurit nga Toçu cere-

tonia! i FSK-së dhe me intonimin e himnit kombëtar dhe shtetëror të Republikës së Kosovës, ekzekutuar nga Orkestra fymore e FSK-së. Presidentja Jahjaga, kryetarja e Parlamentit Krasniqi, kryeministri Thaçi dhe përfaqësues të shoqatave të dala nga lufta, vendosen kuroza me lulë pranë Obeliskut të dëshimorëve, në kujtim dhe ndërm të gjithë dëshimorëve të kombit të rënë për liri.

Komandanti i FSK-së, gjeneral Kasrati, fillimisht, përshëndeti familjarët e familjes Jashari dhe të dëshimorëve, veteranerët, presidenten, kryeministrin, kryetarin e Kuvendit, ministrin e FSK-së, ministrin e Mbrojtjes dhe ata kryetarë të bashkëpunimit të ndërkombëtarë, si dhe ushtarët, ndërforcetë dhe oficerët e FSK-së.

"Epopeja UÇK-së është epope e shkruar në analet e historisë, ushtarak. Epoqe që ka kryerper-sonazhi familjen emblematike të kombit tonë, familjen e komandantit legjendar Adem Jashari", tha në fillim gjeneral Kasrati.

Në Kazermën "Adem Jashari" të FSK-së, nderohet komandanti legjendar Adem Jashari, familja Jashari dhe të gjithë dëshmorët dhe martirët e kombit.

disiplinë, profesionalizëm, punojë krahas NATO-s, në çdo përkushtim dhe gatishmëri për mision. Bashkëpunimi që kemi marrjen e përgjegjësisë kom-ndërtuar me NATO-n është arrit-bëtare e ndërkombëtare duke e je e madhe e cila vlerësohet nga ndihmuar vendin tonë në synimin të gjithë, andaj ne sot u jemi mirënjohës miqve tanë ndërkom-madhe të sigurisë globale. Institucioni ynë, FSK-ja, është



"Në këtë 15- vjetor ne po vazhdojmë avancimin e institucionit tonë, institucion ky që po tregon,



Ndërsa, kryeministri i Kosovës Hashim Thaçi, pasi përshëndeti familjen Jashari dhe të pranishmit, tha: "Me rreshimin dhe parakalimin e trupave të FSK-së po fillon shënimi i 15 -vjetorit të Epopesë së Ushtrisë Çlirimtare të Kosovës.

Sot, kur institucionet më të larta shtetërore të Kosovës po nderojnë njëri-tjetër nga ngjarjet më të ndritura dhe heronjë të historisë sonë të re, sot, kur Kosova është demokracisë, e mbështiet edhe bota e përparuar. E mbështietin shtetet e demokracisë, perëndimore, Shtetet e Bashkuara të Amerikës, shtetet e Bashkimit Evropian, aleanca më e fuqishme ushtarake e botës, NATO. Dëshmi e përkushtimit tonë insti-



Përmasat e këtij filijimi legjendar e zgjuan nderëgjejen e botës demokratike. Gatishmëria për



tucional për perspektivën tonë euroatlantike, jeni vetë ju, të nderuar pjesëtarë të FSK-së, që me profesionalizmin tuaj, bëni që të jemi krenarë.

Me ju janë krenarë qytetarët tanë, me ju është krenarë shteti i Kosovës. Përkushtimi dhe përparimi i Kosovës është objektiv ynë strategjik dhe historik. Përkushtimi për përparimin e Kosovës është respekti më i lartë për të rënë në themel e lirisë së vendit tone, tha në fund kryeministri Thaçi.

Ndërsa në emër të familjes Jashari, përshëndeti Rifat Jashari vejalaj i komandantit legjendar Adem Jashari: "Lavdia dhe nderi u takon të gjithë atyre që ranë për këtë liri, që ne sot po e nderojmë". Në fund ministri dhe komandanti i FSK-së, për disa riga pjesëtarët e

fioren e lirisë e zgjoi një komb të tërë.

UÇK-ja bashkoi të gjithë, kudo që ishin, qytetarët shqiptarë, në Kosovë, Shqipëri, Maqedoni, Preshevë, në Mal të Zi e diasporë, kudo, prandaj sot të gjithë përulëmi për sakrificën e qytetarëve shqiptarë për lirinë e Kosovës.

UÇK-ja u bë zëri autentik i vullnetit të qytetarëve tanë. Këtë vizion të lirisë, humanizmit dhe demokracisë, e mbështiet edhe bota e përparuar. E mbështietin shtetet e demokracisë, perëndimore, Shtetet e Bashkuara të Amerikës, shtetet e Bashkimit Evropian, aleanca më e fuqishme ushtarake e botës, NATO. Dëshmi e përkushtimit tonë insti-



FSK-së ndanë mirënjohje për mer-shquar" dhe me medaljen "Vetëmhues" Manifestimi "Epopeja e UÇK-së" më 5 Mars 2013, u përmbijl me një program fillon këtu", medaljen "E ardhmja të pasur kulturo-artistik, me këngëtarët e dalluar: Ilir Shaqiri, Violetë Kuka, Leonora Jakupi, Rita Bytyqi, Ismet Behxheti, Hysni Kllaku dhe Ansambli Kombëtar i Valleve dhe Këngëve "Shola"

Homazhe në Kompleksin Memorial "Adem Jashari" në Prekaz

Në 15- vjetorin e rënies së komandantit legjendar, Adem Jashari dhe familjes Jashari, ministri Agim Çeku dhe komandanti i FSK-së, gjenerallejtnant Kadri Kasrati të shoqëruar nga stafi më i lartë i FSK-së, kanë bërë homazhe në Vaqrezat e Dëshimorëve, në Prekaz.

Ministri i FSK-së Agim Çeku, ndërtoi dëshmorët së bashku me kryeministrin e Kosovës Hashim Thaçin dhe ministrat e Kabinetit Qeveritar.

Ndërsa, delegacioni i FSK-së, të punë nga komandanti i FSK-së, gjenerallejtnant Kadri Kasrati, zëvendësministri i FSK-së Shemsri Veseli, sekretari i përgjithshëm i MFSK-së Shkëlzen Syjaj, komandant i KFTJ-së gjeneralmajror Rrahma Rama, gjeneralët Zymer Halimi, Erver Çikaqi, Gëzim Hazrolli, Hadri Shala, dhe oficerë të tjerë, më 6 mars vendosen lulë të rreskëta dhe bënë homazhe në Kompleksin Memorial në Prekaz.

Me këtë akt, nderuan komandantin legjendar Adem Jashari, famil-



FSK-ja dhe KFOR-i amerikan demoluan një bombë 500-kilogramësh

(Vijon nga faqja 1)

Sipas komandantit të kompanisë së Deminimit të FSK-së, major Fadil Sahiti, kjo është bomba më e madhe e zbuluar dhe e demoluar nga FSK-ja, kësaj here në bashkëpunim me KFOR-in amerikan. Ai thotë se "këtu (Harilaq) e kemi gjetur dhe demoluar edhe një bombë, të të njëjtit tip, por pesha e saj ka qenë diku 400 kilogramë".

Sot vetëm pas angazhimit nga KFOR-i amerikan të një automjeti të rëndë e të blinduar, të sjellë nga KFOR-i austriak dhe ai zviceran, e kanë hequr bombën nga vendi i mëparshëm dhe vendosjen e saj në një vend të thellë (gropë), dhe pasi paraprakisht kanë marrë masat e sigurisë hapësinore prej tre kilometrash nga Policia e Kosovës, deminerët e kanë shkatërruar me

sukses bombën.

Në fund komandanti i kompanisë, major Sahiti, tregon se si pasojë e minave dhe bombave të mbetura në Kosovë kanë humbur jetën mbi 115 qytetarë; fëmijë, pleq, gra, etj. dhe kanë mbetur të lënduar, pa ndonjë gjymtyrë, me pasoja për tërë jetën, mbi 456 veta, më së shumti ka fëmijë. Por, merrni me mend, se në rast të eksplozimit të kësaj bombe, pasojat do të ishin katastrofale, sepse është një bombë shumë e madhe dhe rrezikshmëria e saj do të ishte, për një rreth mbi 4 km. Ky është edhe një sukses i madh i deminerëve të FSK-së, të cilët gjatë kësaj pune kanë hulumtuar mbi 900.000 metra katrorë dhe kanë gjetur dhe asgjësuar mbi 3000 mjete të pashpërthyer si: mina, bomba, kasetë bomba, eksploziv etj.



Zëvendësministri i Kulturës, Rinisë dhe Sportit, Gani Elshani dhe deputeti Danush Ademi u pritën në Ministrinë e FSK-së



Në Drejtorinë për Politika dhe Plane në MFSK, më 11 mars, qëndruan për një vizitë zyrtare, zëvendësministri i Ministrisë së Kulturës, Rinisë dhe Sporteve Gani Elshani dhe kryetari i komunitetit ashkali në Kosovë, njëherësh deputet në Kuvendin e Kosovës Danush Ademi.

Ata u pritën nga drejtori i Drejtorisë për Politika dhe Plane Haxhi Shala dhe kolonel Skënder Zhitia, drejtori i Departamentit të Personelit në MFSK.

Me këtë rast, drejtori për Politika dhe Plane, Haxhi Shala, mysafirët i njoftoi për arritjet e përgjithshme të FSK-së, për konkursin dhe për mundësinë e

përfshirjes së pjesëtarëve të komuniteteve në FSK.

Zotëri Shala i informoi liderët e komunitetit ashkali për konkursin, për kriteret e aplikimit dhe të pranimit në FSK. Ai gjithashtu i njoftoi për takimin me zyrtarë të zyrave për komunitete, në komunat e ndryshme në Kosovë, si dhe për mënyrat e aplikimit.

Ndërsa, drejtori i Departamentit të Personelit kolonel Skënder Zhitia, gjerësisht i informoi të pranishmit, për numrin e përfaqësimit të pjesëtarëve të komunitetit ashkali në FSK, për punën e tyre, pozitën dhe vendshërbimin në kazernat e FSK-së. Zëvendësministri Elshani dhe

deputeti Ademi, shprehen përkrahjen e tyre, si lider të këtij komuniteti, për inkurajimin e pjesëtarëve të komunitetit ashkali, për të aplikuar në FSK, si dhe mundësitë e mbështetjes nga ana e tyre për përfaqësim të këtij komuniteti për t'u bërë pjesë e FSK-së.

Në fund, u kërkua që sa më shumë të rijnë të komunitetit ashkali të aplikojnë në konkursin për shërbim në FSK, ndërsa MFSK-ja/FSK-ja do të jetë e hapur për çdo lloj përkrahje të këtij komuniteti për t'u informuar deri në detaje për mënyrat e konkurimit, duke i respektuar kriteret që duhet t'i plotësojnë kandidatët për shërbim në FSK.

30 infermiere të QKUK-së, kryen trajnim njëjavor në FSK

Në kazernën "Adem Jashari" të FSK-së, në Prishtinë, përfundoi trajnimi njëjavor, me temën, Teknikat e avancuara të ndihmës së parë. Trajnimi është organizuar nga Departamenti i Mjekësisë së MFSK-së në bashkëpunim me Qendrën për Edukim të Vazhdueshëm të Infermiereve (QEVI) të QKUK-së. Gjatë trajnimit u ligjësua këto tema: Menaxhimi i rrugëve të frymëmarrjes, Sistemi i qarkullimit të gjakut, Frakturat, Gjakderdhjet, Helminet, Reanimimi kardiopulmonar, etj. Trajnimi u mbajt nga instruktorët e FSK-së; major, dr. Rabbit Dermaku dhe kapter Lirim Hamiti. Trajnimin e kanë vijuar 30 infermiere të Qendrës Klinike Universitare të Kosovës (QKUK). Në ceremoninë përmbyllëse të trajnimit, morën pjesë; kolonel Skënder Hoxha dhe nënkolonel Zejné

Prokshi. Kolonel Hoxha në emër të komandantit të Forcave Tokësore, gjeneralmajor Rrahman Rama, i përshëndeti infermieret dhe i përgëzoi për përfundimin e suksesshëm të trajnimit dhe njëherazi uroj që ky bashkëpunim i mirë në mes QKUK-së dhe Kompanisë së Mjekësisë së FSK-së, të vazhdojë edhe në të ardhmen me avancime më të larta në të gjitha lëmit. Në fund, infermierja e QKUK-së, Mendehije Hajdari-Qela, falënderoi instruktorët dhe FSK-në, për trajnimin, bashkëpunimin dhe përkrahjen që FSK-ja, po i jep QKUK-së dhe anasjelltas. "Ky bashkëpunim i mirë, në mes Qendrës për Edukim të Vazhdueshëm të Infermiereve (QEVI) të QKUK-së dhe Kompanisë së Mjekësisë së FSK-së, do të vazhdojë edhe në të ardhmen".



Intervistë me pjesëtarë të komuniteteve, të cilët veprojnë në FSK

Snezhana kërkon angazhim dhe disiplinë në kryerjen e detyrave të përditshme

Gjatë vizitës që i bëmë Brigadës së Reagimit të Shpejtë të FSK-së, në Gjilan, kërkuam të takohemi me pjesëtarë të komuniteteve dhe të mësojmë më shumë për jetën dhe punën e tyre. Komandanti na propozoi të takoheshim me Snezhana Malokun, me arsyetimin se ajo është njëra ndër eprorët më të dalluara e cila realizimin e detyrave e kryen me përgjegjësi të madhe. Ditën e vizitës sonë Snezhana ishte në terren ku po merrte pjesë me ekipet mobile, në fushatën për rekrutimin e pjesëtarëve të komuniteteve.

Me të kuptuar qëllimin tonë ajo na tha se pranon me dëshirë të na jep intervistë për gazetën e FSK-së, "Forca Jonë".

Jam Snezhana Maloku. Me përkatësi etnike jam maqedonase. Në FSK jam prej themelimit të saj, ndërsa më parë kam shërbyer edhe në Trupat e Mbrojtjes së Kosovës. Në interesimin tonë, se cilën



detyrë e kryen, në FSK, ajo na thotë: " e kryej detyrën e zëvendës komandantit të Togut të II, Kompania I-B, Batalioni i Parë për Reagim të Shpejtë". Ajo

me mburrje dhe krenari thotë se para se të pranohej në FSK, ka shërbyer në Zonën e Gjashtë të TMK-së, këtu në Gjilan. Nuk kam pasur kurrfarë problemi që

t'i përshtatem rrethanave të reja, sepse e kam pas një përvojë të mirë nga TMK-ja.

Snezhana ka kryer shkollën e mesme dhe shumë trajnime që e kanë ndihmuar të marrë shumë njohuri të përgjithshme dhe profesionale.

Kur e pyesim për bashkëpunimin në mes komuniteteve Snezhana shton: "Marrëdhëniet në mes të gjithë pjesëtarëve të FSK-së janë të shkëlqyeshme dhe secili i kryen detyrat me përgjegjësi që i takojnë, këtu nuk ka dallime kombëtare, race, ngjyre apo dhe feje". Ajo me dëshirë është angazhuar në ekipet mobile dhe po angazhohet që sa më shumë të rinj të komuniteteve t'i bind për të konkurruar që të bëhen pjesëtarë të FSK-së. Këtu kushtet e punës janë shumë të mira dhe secili angazhohet me përgjegjësi të madhe për t'i kryer detyrat e parashtruara nga eprorët.

Me dëshirë e kam prit gradimin, sepse e kam ndër vetën më të

sigurt, pas tri vjetëve punë me përgjegjësi në FSK. Unë shoqërohem me të gjithë pjesëtarët e FSK-së, të gjithë dallohen me kryerjen e detyrave dhe me sjellje shembullore; ne punojmë sipas standardeve më të avancuara".

Ndërsa, rreshteri Agron Mezraja, i cili punon së bashku me Snezhanen, na thotë: "Snezhana gjithmonë kërkon angazhim dhe disiplinë në kryerjen e detyrave të përditshme, është bashkëpunuese dhe shumë e sjellshme, ne nuk kemi kurrfarë problemi në komunikim qoftë gjatë mësimit teorik apo praktik".

Para se të ndahemi, Snezhana përsëritë edhe një herë: "Marrëdhëniet në mes të pjesëtarëve të komuniteteve janë të shkëlqyeshme, këtu nuk ka asnjë lloj dallimi dhe të gjithë jemi të barabartë; secili i kryen detyrat me përgjegjësi të madhe".

Ushtar Demiçi dallohet për angazhim në realizimin e detyrave të përgjithshme

Edhe Lubisha Demiçi është ushtar i dalluar në Brigadën për Reagim të Shpejtë, këtu në Gjilan. Unë, na thotë, ushtar Demiçi, ndajë mendimin e njëjtë me Snezhanën, kur është në pyetje bashkëpunimi dhe harmonia që mbretëron në BRSH. Jam nga Gjilani dhe punoj në Njësitin Mbështetës. Tani kam bërë përvojë më të gjatë, jam pranuar në vitin 2011 dhe kam

kaluar nëpër të gjitha kriteret e konkurrencës, të realizuara sipas standardeve të përgjithshme të FSK-së. Mendoj se shumë shpejt kam arrit t'i përshtatem rrethanave të reja, falë trajnimeve dhe përgatitjeve që i kam kryer në FSK.

"Nuk e kam pritur se do të kaloj kaq mirë, edhe pse në fillim kam pasur vështërsi. Të gjithë shokët

më kanë pritë mirë dhe pa dallim. Ne po kalojmë shumë mirë me të gjithë". Ai njëherit i fton edhe të rinjtë e tjerë të komuniteteve që të aplikojnë sa ma shumë, sepse këtu janë kushtet shumë të mira, dhe respekti i përgjithshëm është i dyanshëm. Të njëjtin mendim e ndanë edhe Rexhep Aliu pjesëtar i komunitetit turk, që punon së bashku me ushtar Demiçin.



Ushtar Periqi u bënë thirrje bashkëvendësve që të aplikojnë në FSK

"Jam Millosh Periqi nga Novobërda. Jam pranuar qe një vit e gjysmë në FSK në Brigadën e Reagimit të Shpejtë, në Gjilan. Çdo ditë udhëtoj nga Novobërda për punë dhe anasjelltas dhe kurrfarë probleme nuk kam. Të gjitha testet dhe standardet e kërkuara i kam kaluar që të bëhem pjesëtar i FSK-së. Jam shumë i lumtur që jam pjesë e FSK-së. Për momentin e kryej detyrën e shoferit dhe të gjithë shokët më kanë përkrahë dhe më përkrahin për t'i kryer

detyrat e përditshme. Për këtë i falënderoj të gjithë. Jam përshtatur me kohë kushteve dhe rrethanave këtu. Kushtet janë shumë të mira për punë. Ushtar Periqi u bënë thirrje pjesëtarëve të komunitetit të tij, që të aplikojnë sa më shumë në FSK, sepse këtu nuk ka dallime të asnjë lloji. Të gjithë kalojmë shumë mirë. Me të gjithë kuptohemi dhe nuk kemi kurrfarë probleme në komunikim me njëri-tjetrin.

Jo vetëm unë, si pjesëtar i komunitetit serb, por edhe pjesëtarët e

komuniteteve tjera si: boshnjakë, ashkalinj, turq etj., asnjëherë nuk kemi pasur probleme. Jeta këtu është shumë aktive. Përveç punëve të përditshme merremi edhe me aktivitete sportive. Sidomos jam adhures i futbollit dhe i volejbollit. Kushtet për kryerjen e këtyre aktiviteteve sportive janë shumë të mira. Kemi fusha përkatëse sportive. Këtu, në Gjilan në njësitet tjera të FSK-së ka edhe shumë pjesëtarë të tjerë të komunitetit serb".

Në Komandën e Doktrinës dhe Stërvitjes në Ferizaj

Certifikohen 22 pjesëtarë të FSK-së në "Kursin për Liderë Luftarakë"

Në Komandën e Doktrinës dhe Stërvitjes në Ferizaj më 22 mars përfunduan trajnimin me sukses 22 pjesëtarë të FSK-së në "Kursin për Liderë Luftarakë", gjenerata 13/001. Kursi ka zgjatur tri javë, i strukturuar në grupe të vogla të një formati të udhëhequr nga instruktorët me module në menaxhimin e trajnimit: udhëheqjen ushtarake, shëndeti dhe fitnesi fizik, trashëgimia e trupave të nënoficerëve, historia ushtarake, ndihma e parë dhe navigimi tokësor.

Kursi është udhëhequr nga instruktorët e FSK-së, të cilët janë trajnuar dhe licencuar nga Akademia e Nënoficerëve të Armatës së 7 të Ushtrisë Amerikane në Grafenwehr të Gjermanisë dhe e mbikëqyruar nga ekipi i instruktorëve amerikanë në Kampin Bonsteel të udhëhequr nga kapiten Surh Bryan. Në ceremoninë e certifikimit



morën pjesë, komandanti i Forcave Tokësore, gjeneralmajor Rrahman Rama, komandanti i KDS-së, gjeneralbrigade Enver Cikaqi, përfaqësuesi i Ambasadës Amerikane në Kosovë, koloneli Ray Wojcik, koloneli Will dhe major Peterson nga Kampi Bonsteel dhe oficerë të lartë të FSK-së dhe të KFOR-it.

Komandanti i KDS-së, gjeneralbrigade Enver Cikaqi, i përgëzoi kadetët për përfundimin me sukses të këtij kursi, njëherësh falënderoi ekipin e instruktorëve amerikanë për mbështetje. Ndërsa koloneli Wojcik i uroj të certifikuarit për performancën e treguar gjatë kryerjes së kursit dhe për profesionalizimin, disiplinën

dhe përkushtimin e madh, "që po e dëshmon edhe përfundimi me sukses të lartë i kursit për Liderë Luftarakë". Koloneli Wojcik më pas tha se para një viti e gjysmë me gjeneral Ramën dhe Cikaqin bisedonim për Akademinë e Nënoficerëve në Kosovë, ndërsa tash pikërisht pas një viti e gjysmë kurset e nënoficerëve po mbahen këtu, për çka jemi të lumtur të gjithë.

Ne do të vazhdojmë bashkëpunimin me FSK-së edhe në të ardhmen, ndërsa ju ftoj të punoni me oficerët dhe nënoficerët e NATO-s që t'ju jepni mundësinë, që ta kuptojnë se sa jeni të përgatitur profesionalisht. Rreshteri i Stafit, Cole Harde, instruktor amerikan i cili ka qenë pjesë e ekipit në mbështetje të instruktorëve të FSK-së, shprehu përshtypjet e tij për kursin, instruktorët dhe kadetët: "Kursi ka qenë shumë i mirë. Kam respekt shumë

të thellë për instruktorët, të cilët kanë treguar përkushtim. Kjo është hera e dytë që mbahet ky kurs nga instruktorët e FSK-së, mirëpo kanë fituar një përvojë sikur të mbahej me vite të tëra. Të gjithë instruktorët shprehën fjalë të mira për kadetët, të cilët gjatë mbajtjes së këtij kursi kanë qenë shumë të motivuar, interesimi i tyre për të marrë njohuri ka qenë shumë i lartë, disiplina ishte në nivel që i takon kursit. Thënë shkurt, atë që e kam parë te kadetët e përshtatja kështu: secilin prej tyre do ta kisha marr në mision", shtoi rreshteri i Stafit Cole Hardee.

Çmimin e kadetit "Udhëheqës" e fitoi rreshteri Naim Mala, çmimin e listës së komandantit e fitoi tatar Rifat Bega dhe çmimin "Ushtari i Hekurt" e fitoi tatar Ilir Hajra, ndërsa certifikata për kryerjen e kursit luftarak me sukses u dhanë të gjithë kadetëve.

Certifikohen edhe 20 instruktorë të Fitnesit Fizik

28 pjesëtarë të FSK-së morën pjesë në një kurs të lartë për Instruktorë të Fitnesit Fizik, mbajtur nga ekipi i instruktorëve të Forcave Ajrore të Britanisë, në Komandën e Doktrinës dhe Stërvitjes, në Ferizaj. Kursi ka qenë shumë intensiv, ku janë mbajtur dy cikle: i pari, si zhvillohen ushtrimet në cikël dhe cikli i dytë, ushtrimet fizike në fushëbeteja. Trajnimi ka qenë i ngjeshur me ligjëratat dhe aktivitete të rënda fizike, ku kadetë kanë treguar një interesim dhe përkushtim të madh për të përfutur sa më shumë dije dhe aftësi fizike.

Në ceremoninë e certifikimit prezantuan, zv/komandanti i KFT-së, gjeneralbrigade Gëzim Hazrolli, komandanti i KDS-së, gjeneralbrigade Enver Cikaqi, koloneli Small Wood, këshilltar i

NAT-it në FSK, si dhe oficerë të FSK-së dhe instruktorët e KFOR-it.

Gjeneral Cikaqi në emër të KDS-së e ka falënderuar ekipin e instruktorëve të Britanisë për punën dhe angazhimin e madh, në trajnimin e FSK-së. "Unë ju përgëzoj për arritjet në finalizimin e këtij kursi me sukses, sepse ky ka qenë kursi më sfidues deri më sot, dhe këtë e keni arritur me një përkushtim, angazhim dhe me një qëndrueshmëri falë instruktorëve të Ushtrisë mike të Britanisë. Qëllimi ynë është që secili që vjen këtu ta përfundojë kursin në mënyrën ma të mirë të mundshme dhe me suksesin më të lartë. Këtë ju e keni arritur me angazhimin e veçantë dhe me punën ekipore dhe unë kërkoj nga ju ta jepni kontributin e juaj



në njësitet e juaja. Objektivi ynë është të krijojmë një korr të nënoficerëve të trajnuar mirë, por në radhë të parë të përgatitur fizikisht shumë mirë, andaj jam shumë i sigurt se edhe ky kurs ka me rritë performancën fizike të të gjithë pjesëtarëve të FSK-së. Trajnimet me instruk-

torët britanikë gjithmonë kanë qenë shumë sfidues, për këtë arsye edhe sukseset kanë qenë të arnshme. Ndërsa koloneli Britanik Small Wood, këshilltar i NAT-it për FSK-në, ka përgëzuar të gjithë pjesëmarrësit si dhe instruktorët për punën që kanë bërë në për-

gatitjen e instruktorëve të FSK-së. Në fund, gjeneral Hazrolli, Cikaqi dhe koloneli Wood u dhanë mirënjohje të gjithë pjesëtarëve të certifikuar, si dhe certifikata i dhanë ekipit të instruktorëve të Britanisë: Wo Newill Smith, RS Mark Newillson dhe PS Max Martin.

2599 nxënës i përcollën ligjëratat për vetëdijesimin nga minat dhe mjetet e pashpërthyer

Në organizim të Departamentit për Bashkëpunimin Civil-Ushtarak dhe në bashkëpunim me Ministrinë e Arsimit Shkencës dhe Teknologjisë, drejtoritë e Arsimit në komuna të Kosovës, Qendrën Koordinuese për Deminim në MFSK si dhe Kompaninë e Deminimit, dhe në bazë të planifikimit, kanë realizuar me sukses ligjëratat për vetëdijesim nga mjetet e pashpërthyer (minat), në shkollat fillore dhe të mesme të Republikës së Kosovës. Bazuar në planin e hartuar që më parë, Kompania e Deminimit të FSK-së sipas urdhëresës nga



KOMRMC, nga data 21 janart 2013, ka filluar mbajtjen e ligjëratave për nxënësit e shkollave fillore dhe të mesme, në Kosovë. Sipas raportit të Kompanisë së Deminimit, gjatë kësaj periudhe janë mbajtur ligjëratat në 18 komuna, ku janë përfshirë 50 shkolla dhe ligjëratat i kanë përcjellë gjithsej 2599 nxënës.

Gjatë mbajtjes së ligjëratave, oficerë dhe zyrtarë të Departamentit të BCU-së, bashkë me këshilltarin e NAT-it për BCU-në, kanë realizuar një varg vizitash në shumë shkolla për të përcjellë ecurinë e

ligjerimit nga pjesëtarët e FSK-së. Ndërsa, këshilltari i NAT-it, ka lavdëruar pjesëtarët e FSK-së, për formën dhe mënyrën e ligjerimit si dhe përgatitjen e lartë profesionale të instruktorëve të deminimit. Vetëdijesimin nga mjetet e pashpërthyer (minat), realizohet tash e sa vite, me qëllim të afrimit të informacioneve të nevojshme për të gjithë qytetarët e Republikës së Kosovës e veçanërisht nxënësve, për rrezikun që mund të shkaktojnë mjetet e pashpërthyer. Nxënësit kanë qenë shumë të kënaqur me ligjëratat e pjesëtarëve të FSK-së.